



山川典第二百十卷

晉水部彙考

山海經之晉水

晉水發源山西太原府太原縣西之懸壺山始出分爲南北二池其南流者曰大池又名流杯池其北流者曰八角池下分爲三河一爲北河又名智伯渠又名晉渠一爲中河流入大池一爲南河又名陸堡河而總會于清水河入汾水

考

按山海經北山經縣雍之山晉水出焉而東南流注于汾水其中多魮魚其狀如儵而赤鱗其音如

叱食之不驕

按縣雍二字漢書注水經注魏書注俱作懸壺

按漢書地理志左馮翊臨晉

注

故大荔秦獲之更名有河水祠芮鄉故芮國莽曰監晉應劭曰臨晉

水故曰臨晉臣瓚曰晉水在河之間此縣在河之西不得云臨晉水也

太原郡晉陽

注

龍山在

西北有鹽官晉水所出東入汾

按淮南子地形訓晉出龍山

按後漢書郡國志太原郡晉陽本唐國有龍山晉水所出

注

山海經曰有懸甕之山其上多玉其下

多銅其獸多閭麋晉水出焉東南注于汾

按水經晉水出晉陽縣西縣壅山

壅山海經作雍音嬰

注縣故唐國也春秋左傳稱唐叔未生其母邑姜夢帝

謂己曰余名而子曰虞將與之唐屬之參及生名之曰虞呂氏春秋曰叔虞與成王居王援桐葉爲

珪以授之曰吾以此封汝虞以告周公周公請曰天子封虞乎王曰余戲耳公曰天子無戲言時唐

滅乃封之於唐縣有晉水後改名爲晉故子夏叙詩稱此晉也而謂之唐儉而用禮有堯之遺風也

晉書地道記及十三州志並言晉水出龍山

宋本下有云字

水結紉山在縣西北非也山海經曰縣雍之

山晉水出焉今在縣之西南昔智伯之遏晉以水灌晉陽其川上游後人踵其遺蹟蓄以爲沼沼西

際山枕水有唐叔虞祠水側有涼堂

御覽作臺

結飛梁於水上左右雜樹交蔭希見曦景至有淫朋密友

羈遊宦子莫不尋梁契集用相娛慰於晉川之中最爲勝處

又東過其縣南又東入于汾水

注

汾舊本水分爲二流北瀆卽智氏故渠也昔在戰國襄子保晉陽智氏防山以水之城不沒者三版

與韓魏望歎於此故智氏用亾其潰乘高東北注入晉陽城以周圍漑漢末赤眉之難郡掾劉茂貢太守孫福匿于城門西下空穴中其夜奔孟卽是處也東南出城流注于汾水也其南潰于石塘之下伏流逕舊谿東南出逕晉陽城南城在晉水之陽曰晉陽矣經書晉荀吳帥師敗狄於大鹵杜預曰大鹵晉陽縣也爲晉之舊都春秋定公十三年趙鞅以晉陽叛後乃爲趙矣其水又東南流入于汾

按魏書地形志太原郡晉陽

注

二漢晉屬西南有懸甕山一名龍山晉水所出東入于汾

按唐書地理志晉州平陽郡臨汾

注

東北十里有高梁堰乾封二年堰壞乃西引晉水

太原府

太原郡太原

注

赤井苦不可飲貞觀中長史李勣架汾引晉水入東城以甘民食謂之晉渠

按地理通釋十道山川攷晉水在太原府陽曲縣

晉陽省入陽曲

出縣西懸甕山東入汾山海經縣雍之山

晉水出焉東南流注于汾水

雍晉

詩譜晉陽南有晉水唐叔子變改爲晉侯唐北都城左汾右晉

按金史地理志太原府平晉

注

貞祐四年七月廢興定元年復置有龍山晉水

按續文獻通考山西太原府晉水在太原縣西南十里出懸甕山分三派

平陽府晉水源出府

古今圖書集成
城西南平山流至襄陵縣北門外東入汾

按山西通志太原府太原縣城西一十里有懸鑾山一名結紬山晉水所出又有龍山亦晉水所出
晉水在縣西南一十里懸鑾山下二泉北曰善利南曰難老疏爲二池南曰大池流經奉聖寺前名
流杯池北曰八角池分爲三河其北派流經北神橋入安仁賢輔古城金勝等村爲北河卽智伯遏
水以灌城者名智伯渠至唐貞觀中長史李勣架汾水東引令民汲飲後名晉渠今廢其中派入大
池流經南神橋晉原都東莊爲中河又一支派名陸堡河流入大寺等村其南派流入索村等處爲
南河俱總會於清水河入汾其北渠舊引入縣城通流街衢公館今渠道俱存而水不行 臺駘
澤在縣南一十里一名晉澤晉水下流滙而爲澤 蓮池在縣南五里晉水聚處 南神橋在
縣西南十里晉祠鎮南街晉水南渠上 北神橋在縣西南十里晉祠鎮北街晉水北渠上
平陽府襄陵縣晉橋在縣北門外晉水上

晉水部藝文 詩

晉水

明李維楨

水可亡人國那知國自傾片言能樹敵三板得完城陳迹流波迅高原戰壘平田家春賽罷萬畝樂香秔

晉水部紀事

竹書紀年周元王六年晉澮絕于梁

戰國策昔者大晉之時智氏最強滅破范中行又帥韓魏以圍趙襄子於晉陽決晉水以灌晉陽城不沉者三板耳

唐書馬燧傳燧字洵美系出右扶風徙爲汝州郟城人以功遷尙書右僕射時天下方騷北邊數有警燧念晉陽王業所基宜固險以示敵乃引晉水架汾而屬之城濬爲東隍省守陴萬人又醜汾環城樹以固隄詔兼保寧軍節度使

山西通志唐武后久視元年并州晉水如血李勣曹州人太宗時爲并州都督嘗築東城引晉水駕汾水入城以資民用人咸便之

晉水部外編

搜神記晉永嘉之亂劉元海僭稱漢于此置都築平陽城晝夜興作不久旋崩募能成者賞之先有韓媼者於野田見巨卵傍有嬰兒收養之字曰櫛兒時已四歲乃白媼曰我能成母其應募媼從之櫛兒乃變爲蛇令媼持灰隨後遺誌謂媼曰憑灰築城可立矣竟如所言元海問其故櫛兒遽化爲蛇投入山穴露尾數尺使者斬之乃掘其穴忽有泉湧出激流奔注與晉水合流東入于汾至今近泉出蛇悉皆無尾以爲靈異

文水部彙考

水經之文水

文水發源永寧州方山界下流入交城縣界歷榆城至文水縣南入於汾水

考

按水經文水出大陵縣西山文谷東到其縣屈南到平陶縣東北東入于汾注文水逕大陵縣故城西而南流有泌水注之縣西南山下武氏穿井給養井至幽深後一朝水溢平流東南注文水又南逕平陶縣之故城東西逕其城內南流出郭王莽更曰多穰也文水又南逕縣右會隱泉口水謁泉

山之上頂俗云賜雨憇時是謁是禱故山得其名非所詳也其山石岸地險

御覽引此作石崖絕險

壁立天固

崖平

當作半

有一石室去地可五十餘丈爰有層松飾巖列柏綺望唯西側一處得歷級升陟頂上平

地一十許頃沙門釋僧光表建二刹泉發於兩寺之間東流瀝石松注山下又

一作入

東津渠隱沒而

不恆流故有隱泉之名矣雨澤豐澍則通入文水又南逕茲氏縣故城東爲文湖東西一十五里南

北三十里世謂之西河在縣直東一十里湖之西側臨湖又有一城謂之瀦城水澤所聚謂之都亦

曰瀦蓋卽水以名城也文湖又東逕中陽縣故城東按晉書地道記太康地記西河有中陽縣舊縣

也文水又東南流與勝水合水出西狐岐之山東逕六壁城南魏朝舊置六壁於其下防離石諸胡

因爲大鎮太和中罷鎮仍置西河郡焉勝水又東合陽泉水出西山陽谿東逕六壁城北又東南流

注於勝水勝水又東逕中陽故城南又東合文水文水又東南入於汾水也

按隋書地理志太原郡文水

注

舊曰受陽開皇十年改焉有文水

按唐書地理志太原府太原郡文水

注

武德二年汾州刺史蕭顗引文水南流入汾州

按金史地理志邳州下邳

注

有文水

太原府文水

注

有隱泉山文水

汾州西河

注

有謁泉

山北二山文水

按續文獻通考山西太原府文水發源石州方山界歷榆城至文水縣入于汾

按山西通志太原府交城縣文水在西北九十里文山之旁 文水縣文水源出永寧州方山界

流入交城縣界歷榆城縣南入於汾

按太原府志交城縣西谷水在縣西北至榆城合文水 文水縣沁水在縣北八里山下東南至

文水

文水部紀事

山西通志唐蕭顥武德間爲汾州刺史引常渠水過文水南入汾溉田數百頃

宋史欽宗本紀靖康元年八月河東察訪使張灝與金人戰於文水敗績

金史太宗本紀天會四年八月辛亥婁室等破宋張灝軍於文水

滹沱河部彙考

周禮并州之虞池

滹沱河發源於山西太原府代州繁峙縣之泰戲山東流經鴈門入直隸涇靈壽平山二縣抵真定府城南順流而東歷藁城晉州衡水深州武強武邑入直沽而達于海

考

按周禮夏官職方氏正北曰并州其川虜池嘔夷

訂義

易氏曰漢志代郡齒城縣虜池河東至參合又

東至文安入海此言參合則屬高柳縣漢高柳縣隸代郡唐貞觀以後爲默啜所破州縣俱廢開元十年改定襄爲雲中有高柳故城則齒城又當在高柳之北虜池河源未之詳其河自鴈門縣西南流入崞與唐林二縣又西南流至圻州秀容縣又西南流入定襄縣又南流至太原府孟縣又東流至恒州之靈壽真定九門藁城穀城五縣又東流至定州無極縣又東流入深州之饒陽鹿城安平三縣又東南流入瀛州之高陽河間二縣又東流入莫州之唐興及莫縣以至任丘文安縣卽漢志所謂至文安入海者也

按山海經北山經秦頭之山共水出焉南流注于虜沱

白馬之山水馬之水出焉而東北流注

于虜沱

空桑之山空桑之水出焉東流注于虜沱

泰戲之山虜沱之水出焉而東流注于

澠水 石山澠澠之水出焉而東流注于虜沱鮮于之水出焉而南流注于虜沱 高是之山

滋水出焉而南流注于虜沱

海內東經虜沱水出晉陽城南而西至陽曲北而東注渤海入越章武北注經河間樂城東北注渤海

海也章武郡名

按戰國策燕南有滹沱易水注滹沱出涿郡故安易水源出易縣西谷中之東東南流與滹沱河合

按漢書地理志太原郡上艾注綿曼水東至蒲吾入滹沱水 魏郡武安注有滹水東北至東昌

入滹沱河 常山郡靈壽注中山桓公居此禹貢衡水出東北東入滹沱 南行唐注牛飲山

白陸谷滋水所出東至新市入滹沱水 代郡鹵城注滹沱河東至參合入滹沱別過郡九行千

三百四十里并州川從河東至文安入海過郡六行千三百七十里 信都國信都注王都故章

河故滹沱皆在北東入海 河間國樂成注滹沱別水首受滹沱河東至東光入滹沱河 弓

高注滹沱別河首受滹沱河東至平舒入海

按後漢書郡國志安平國信都有滹沱河 鴈門郡鹵城故屬代郡注山海經曰泰戲之山無草

水多金玉滹沱之水出焉郭璞曰今滹沱河縣武夫山周禮并州其川庫池魏志曰建安十年鑿渠自滹沱入汾名平虜渠

按隋書地理志鴈門郡繁峙注有滹沱水

按唐書地理志瀛州河間郡河間注開元二十五年刺史盧暉自東城平舒引滹沱東入淇通漕溉

田五百餘頃

按地理通釋十道山川攷滹沱出秦戲之山在代州繁峙縣東南流經五臺山東流至文安縣入海

注何承矩築隄儲水爲阻固并邊諸河若滹沱葫蘆永濟等河皆滙於滹

按金史地理志深州東鹿注有滹沱河 饒陽注有滹沱河 安平注有滹沱河 眞定府

眞定注有滹沱河 藁城注有滹沱河 獲鹿注有滹沱河 太原府孟注有滹沱河

忻州秀容注有滹沱河 代州鴈門注有滹沱河 崞注有滹沱河

按道旆璣言滹沱發源繁峙由代州崞縣忻口折而東歷定襄五臺東下在太行之西引以灌田爲

山西之利過太行至眞定河間則爲害矣不惟不可灌亦浮沙難以舟楫地勢高下土脉疎密使然

非水之性也

按山西通志太原府忻州滹沱河源出繁峙縣東泰戲山卽孤山列如品字名三泉西南流三里至故福都合玉斗泉亦名青龍泉西流數里合三都之三泉其泉亦列如品字又西流至沙磧泉合北樓口水又西流至新興村合華嚴嶺水至縣城北經代州崞縣五臺忻州定襄孟縣入真定府平山縣界所經州縣居人多引渠溉田

按繁峙縣志縣城東北一百三十里有泰戲之山俗名小孤山滹沱河發源於此 華嚴嶺水在縣東南一百里西北入滹沱河 黑龍池在縣東南九十里半山中暗然若黑西流三十里入巖頭河經海子村等處流與滹沱合

按代州志州城北三十五里有鴈門山一名鴈塞雙闕陡絕鴈度其間山下有水東南流經城外東關廂名東關水合入滹沱 東關河在州東半里許源出鴈門山沿城南入於滹沱水 三里

河在州西南三里村經西關南入於滹沱水 七里河在州西七里源出上田都經七里堡入於

滹沱水 羊頭神河在州西十里一自茹解都黑龍池發源名東河一自茹解都黃龍池發源名

西河俱南流入滹沱水

西義河在州西南十里許源出荆山茹僕射教民溉田者北流入於滹

沱水

九龍河在州西北三十五里南流入於滹沱水

西泉在圭峯山西澗中有石正方而

崇如翠屏高百尺許水初自上瀉下霏如垂珠石根不見也行數步從石竇中湧出灌漑汲飲四時不竭出澗口又不見潛行石罅間又百步所出趾下響若撫琴合義河入於滹沱水

柏谷泉在

州東門外南流入於滹沱水

按醇縣志滹沱河在縣東百里許

陽武河在縣南二十里源出自太子崖東流至雙陵村入滹

沱河

沙河在縣南六十里東流入滹沱河

南橋河在縣南門外東流入滹沱河

北橋

河在縣北門外東流入滹沱河

板橋河在縣北二十五里東流入滹沱河

銅河在縣南七

十里源出福壽山東流入滹沱河

按五臺縣志清水河源出縣東北一百六十里華巖嶺西南流經飯仙山下過石角合虎陽河盧虎水入於滹沱

東峪河發源移城村東南山下經孫家莊百蘭等村入滹沱河

盧虎水一名

慮虎水源出縣西北一十五里王村流環縣東南又名縣河與縣東北虎陽河及清水河合流入滹

沱河 白梁橋在沱河上

按忻州志沱沱水在忻州北五十里自崞縣界來注忻口東入州境白村都過定襄界出河門入平山襄縣界 忻水在忻口北因經忻山故名亦名沙河東入沱沱水 雲中河在州城北七十

里雙尖山鬣髻尖合流經橫河雲內口亦名忻水與州城南牧馬水合流入沱沱河

按定襄縣志牧馬水發源忻州西南白馬山至牛尾莊合諸水出州南東流南環本縣如帶東北入沱沱河

按孟縣志細水河在縣西南細泉微而濳洄不絕流至通渠遂莊渠北趙渠檀村渠俱在州西北引雲中沱沱河水

按畿輔通志沱沱河班固叙禹貢所謂徒駭者是也發源於山西太原府代州繁峙縣經鴈門由靈壽平山抵真定府城南順流而東歷藁城晉州衡水深州武強武邑入直沽而達於海每夏暴雨壞決隄防甚爲民害

按靈壽縣志沱沱河在縣西十五里牛城渡口有漢光武冰堅可渡碑 衛河在縣東十里由縣

南入滹沱河 嵩陽河發源楸山歷縣治西南兩關外東南入滹沱河

按平山縣志滹沱河在縣城北八里發源於山西繁峙縣經鴈門南流經本縣抵真定由直沽天津入于海 冶河一名甘陶河在縣城西一里由井陘縣來又至縣城西北流入滹沱河爲兩河口

一清一濁如涇渭然 濺河在縣西北六十里流經縣北入滹沱河

按真定府志滹沱河源出於山西在真定縣南一里又經藁城縣北一里又經平山縣北十里寰宇記載經靈壽縣西南二十里此河連貫真定諸郡經流去處皆曰滹沱水也 廣濟橋在府城南

門外一里滹沱河上每歲夏五月水泛拆之渡以舟楫至冬則復構架 西韓河在府城西二十

里發源大鳴泉流經縣界入滹沱河

按行唐縣志白陸峪滋水所出東至新市入滹沱

按藁城縣志滹沱河在縣城北自鴈門繁峙經靈壽平山過真定至藁城四公鋪而南逼近邑城之乾隅順流東注至城艮隅一里許復曲折東南而下成化間縣令黃瓊嘗汲于城濠中以植蓮周繞城郭宛然如游龍之紆徐其靈秀足以振甲科其潤澤足以肥民田邑人至今賴之弘治十四年因

水泛漲北徙去邑城八里但泛漲之勢洶湧蕩民居沒民田其害可畏且河之上流有小豐屯去邑城二十里小豐之河口不塞則藁邑衝嚙漂沒之患未已此則憂時預防者所當知也

按無極縣志漳沱河由靈壽平山真定府南經本縣郝莊陳村之境達晉州等處入直沽而達于海按晉州志漳沱河在州南關外發源于山西太原府繁峙縣泰戲山西南七十五里至代州又南六十里至崞縣又東北六十里至忻州又東五十里至定襄縣又東南七十里至五臺縣又東南八十里至孟縣自孟縣入真定府靈壽縣又東南六十里至真定府又東九十里至本州去城數武繁紆如帶漫入束鹿安平饒陽武強至直沽達於海今南徙由藁城南彭村經本州周頭村北釣魚臺隴家莊胡士莊入束鹿縣百口橋歸清水河並行

按束鹿縣志漳沱河在縣城南四十里漢光武渡處名危渡口來自晉州

按深州志漳沱河舊行北堤下今由藁城入清河 乾河在縣城南四十里卽漳沱河故道

按饒陽縣志漳沱河由鴈門經靈壽平山遠真定府城南歷藁城晉州而東地勢平衍徙流靡常嘉靖以前或由靈晉束鹿深州泛溢則及於饒陽初未爲大害也隆慶三年大勢盡徙饒陽北境平地